

和尚言洞水逆流卽仙家返還真一之水意真一之流得反則命根斷性獨明靈六根之用皆不用則心地之工成而得證此

又問曰辨清何爲答曰清炁者天之本體欲爲天仙必以清炁同於天之本體而後能與天合德所以純陽仙翁云煉藥方可昇仙譚長真仙翁水雲集云今生若要登雲路不合虛無不能仙

此言得同天之清炁卽可必證天仙

若有一毫形不能妙則同于重濁之地體而止合於地德止證得地仙而已矣

道藏輯要

仙佛合宗語錄

三

畢集一  
川名川

地仙不能離于地故名地仙

所以純陽仙翁云煉形止于住世

可得百千萬億歲壽不能昇於天者

有志于修天仙者不得不辨之尋向上去

三問曰古云鍊精者鍊元精非交感之精未審元精未及鍊者亦成形似交感之精否抑止於元精而不至似交感之精否請詳之答曰精一也有元精淫精之異名者是由主宰之者而致有異也豈自異哉然元精在身中靜篤時無形之精也卽元炁卽先天

廣成子答黃帝云至道之精杳杳冥冥是也

雖能生諸後天有形不得神宰亦止於先天無形而不自爲後天生有形雖久而不採不鍊亦只成先天之散炁而已

世人皆言成有形之精謂採之遲者及不採者皆老而成形此言大非也彼是妄談房術淫媾之精必至如是而不可以語仙道元精也畢竟仙道不同於世說

有神宰爲交感之用而後變化成後天非自成後天也當其隱於寂靜之中靜極而自動曰生精是天地人自然循環之生理當如是也故修丹者由靜極而生之精名曰精而實非精故曰元精未妄動而炁本自足炁足則能成丹轉運而胎神出神也所謂以精補精因精以淫耗而炁爲之不足仙聖教人以身

道藏輯要

仙佛合宗語錄

三

畢集一

中發出之元精不令再耗返還而補未發動之炁令足所以補者補之令足也精炁足如十六歲童子卽是長生不死根本若不能補足炁而氣不得補足終非長生不死之仙道玉清上妙功德經云不善修持而失法本不能長生 大還心鑑云至陽生不修行益生何得長生乎  
然鍊丹必不用交感之精者是何故以其或偶觸目觸耳而生或念妄而生

觸目者是眼根偶見淫色觸耳者是耳想偶聞淫聲念妄者是心中偶起淫念皆所以生淫精者

生不由靜而炁不足炁不足者原非丹本卽不能成丹以長生



不死彼又以將見精爲幸不知及將見精其勢卽爲後天之敗精而已

昔廣成子答黃帝曰毋搖爾精乃可長生陳泥丸云樹根已朽葉徒青氣海波翻死如箭

焉得有已敗之形枯烝盡者而能復返爲先天入於無形之烝乎故仙道與邪門之所以異必不用淫精也

王重陽真人云回首處便要識希夷煅煉須將情滅盡修行緊與世相違

故紫陽真人云幻丹者由未靜心田遽採一陽陽非眞陽神非元神以欲念而交會陽生此幻丹所以有直採之升至臍又無乃促命之法此深示人以後天有形者必有壞也

道藏輯要

仙佛合宗語錄

西  
畢集一

黃庭經註云學仙之人一交接則傾一年之藥勢二交接則傾二年之藥勢已往之藥都亡于身所以眞仙常慎於此伍子又申明前註既學仙則精烝常聚而多倘一交媾把所聚精烝亦傾多說傾一年之藥勢大約言也我謂更多傾者也有精烝甚難成藥萬幸得成藥豈忍媾傾最宜慎保精也張翁所言先天主者是先天所由生之根本意也後天精不耗散則先天精亦不耗散後天盛則所生先天亦盛淫媾用精竭者則先天之精烝無由所生而有陽絕之病故云先天

無所主 張紫陽自家又云大藥不離精氣神要識藥材又精炁神之所產也非使用精炁神也

總之知鍊元精必先要知個精生有時知其真生時及當採之真時者則得元精而鍊若不知真生時採時者而元精猶不能得何以虛浮用鍊予有一詩子其悟之詩曰元精何故號先天非象非形未判乾

乾者天也言未分判天地之時無形無象惟虛無之炁耳判爲天時則有形有象元精是未有天以先之名號故云未有象未有形

太極靜純如有動仙機靈竅在無前

道藏輯要

仙佛合宗語錄

五

畢集一

太極者虛極靜篤之極至總包含陰陽靜動每靜篤時而自動故曰靜純有動如者動無拘定之時如或速或緩活動而生之意然曰如有動者初動之機未判天之時喻天之生先天精似有不有卽當用我似有不有之妙用若動而成動則判天動極則所生皆後天矣非仙佛之所用必其仙機有動之靈竅雖然如動猶是在天無形之前必不可至天有形象之後取元氣也

夢回妙覺還須覺識到真玄便是玄

妙覺者知如動之妙也覺在外境世人每妄猜而言之覺在內境惟天仙知之行之唯由天仙傳之故也世人不知而由



無傳此仙道所以與世之凡夫異也。修仙者必要知內之妙覺始得。故我顯言之曰：還須覺真玄者，再申前言妙覺如動也。

說與後來修道者斯言不悟，枉談仙。

此詩將仙機洩盡，指示後學聖真仙佛天人必當于此參悟。而真修不然，無下手處，雖欲空談無下口處。

四問曰：如何是藥生採取？如何是運火鍊丹？如何是得丹服食？如何是成仙了道？答曰：陽炁生來塵夢醒。

陽炁生是真陽之精炁，生而為藥物也。呂仙翁所謂一陽初動，便是塵夢者是。百日關中欲界凡夫初修時未絕塵未絕。

道藏輯要

仙佛合宗語錄

共

畢集一

睡魔而有塵有夢者也。塵即六塵中之色塵，聲塵是也。大修行凡有塵即當如佛言背塵有夢，即當醒覺。夢與醒原來循環無端者也。夢亦靜裏將動之一機，所以真雲峯亦云：自然時節夢裏也。教知夢醒者，喻有妙覺在此。句答藥生之說者，攝情合性歸金鼎。

以神馭炁，凝神歸入于氣穴也。白玉蟾云：以端坐習定為採取。此句答採取之間者。

運符三百足，周天伏炁四時歸靜定。

符者周天之火符也。周天本三百六十五度四分度之一，此言三百則足者，內有卯酉二時沐浴用無數之候也。陳泥丸